



遠遊篇卷之七

莆田周嬰方叔著

序

崔氏縣史序

珥筆華軒。網羅一代。司籍仙室。鍼縷羣古。於是負圖
論道之勲。拯世夷難之略。露竹雲條之戚。餌芝斲木
之賓。咸得飛榮丹青。岳光篆素。緘芳延閣。藏副靈山
者焉。若乃太史探曆于因生。司音次律而命氏。導源
積石。擢景維城。綴璇萼於昌圖。疏金潢于屬籍。此固
然矣。其次則四海豪宗。五陵甲族。靈基層構。代號衣

冠奮德綿延家承鐘鼎創垂悠遠蔭藉清華醇謹且
以自矜賢豪於是宗仰又有陶卜因業園池即居白
馬青牛曾張族號三鳥五鹿俱以宗名莫不祖德家
風紛綸譜牒支苗門緒鱗鱗縹縑雖非得失之林抑
亦述宣之亞也史稱崔氏之先啓自太岳之胤始則
榮陵承家嗣而萊墟錫壤義均魯楚立氏於三馴至
羸劉析居為二東京帝室世禮雕龍鄴下霸朝門施
行馬泊乎金行不綱元氏為帝或自宋齊北入或從
燕隴南馳杞梓移根鴻鸞擇樹于時河藩海捍躍馬
有人棘路槐階珥貂成列高氏則腹心累托宇文亦

股肱倚之及于隋家不替佐命蓋四姓推為領袖百
年荷其棟樑矣唐皇更張風政整齊門望外排物議
內定鑒裁道貞胄自參華降居二下衆既狙喜為用
此亦虬鬚無嫌何者周重宗盟滕薛殊齒漢隆外戚
樊鄧並崇今者首冠蘭坂之宗次列椒房之黨殆天
所制豈人攸設崔氏非因肺腑不隕膏粱名屈為三
實仍第一既而閱聯三戟葉有群龍疊笏盈牀紆組
歷閣衮衣曄曄騶吹參差遠聯名族之朝近接文襄
之載重侯累相績列石扉純孺綺以名編金冊雖有
五門家牒二鴻世傳記詳弓帛錄載干旆固已視為

餘編蚩其贅筆矣。但年代訛遷簡編褫燼美與時湮
芳隨日逝緬尋前載徒有景行况復北去武城東遷
江介大業不作後嗣何述崔孟先先生情不撓俗性
樂著書文心既淵史才彌卓姑孰春穀本支畢譜強
近袒免昭穆序列又復作求疇古屬想儀刑討淪迹
于河籍訪逸踪于巖筍毀垣斷簡時恣冥搜破冢殘
珉仍供博覈代踰十七年越二千其間瑣錄短文或
錯綜以附傳前言徃行輒鈐括以為篇至有差池亦
從彈駁譬如聯華衆腋緝彼蒙戎採味百芳醞茲郁
毓使世祿將墜而不朽宗衮既幽而重光紹明之功

不謂博與至于神仙鬼物之倫倣詭迂之變子桓
所以列異令升于焉搜神崔氏不乏異聞足資語怪
別為一集附之於簡百物而備鑄象豈殊六合可存
董狐何遠若乃金閨彥士揆藻風雲玉圃文人立言
天壤亭伯子瑋而後君苗正熊以還善作者九十二
家可記者五千餘卷石渠上望無復漢符天郊東臨
猶悲魏史哀其著述以志藝文斯皆一家創立之摹
千載未具之體也於戲江海之吞舟鄧林之柯梢
日非茲茂族曷覩微猷雖號家乘居然國史者矣抑
又聞之元城委粟宗非控鶴西河美稷胄異恭龍陽

都之里先多別葛食我之邑後有宅楊崔氏本無駢
枝仰因洪幹清河涿郡類若水之降居伯基仲牟非
曠林之不協已而雲來綿遠枝葉扶疏雖復分流猶
殊同姓先生遐尋葛藟廣錄柞枝寶玉非他徽榮無
爽款襟或迴儀範自聯昔者分陝方殷有成周之糾
合在秦既遠叙趙衛之離居元亮躊躇感彼行路夏
侯造次不忍言踈咸皆敦叙之心別見孝悌之性可
謂惠訓融遠彛鑿無窮別有托姓高麗亦稱簪帶諒
以慕容南迫平州東奔其後遺苗漸成著姓唐年胄
子方領受經宋日陪臣襲冠奉費瓜縣未審猶雜或
疑聊寘卷終俾居籬下亦猶孟堅謨漢後載呼韓休
文譔劉末錄代魏者也嬰頃以攝齊恭承倒屣遂得
從容切問卓犖遐觀映晷朝讐燃脂夜論若登嵩少
方悟培塿之卑如遵滄路始知磧礫之細游泳所寄
撰次從之輟策流思抽毫製序云爾

附縣史小引

余在弱歲趨侍鯉庭略識系名輒感宗序時困章
句未遑遠搜稍有檢錄隨亦遺棄嗣後講業姑城
間嘗丹鉛史策因閱唐書新舊衆稽門閥蟬聯不
無詳略頗有同異喟然曰茲猶一朝之閏餘未弘

百代之淵海况復稊譎充棟野記盈編齊諧未易
竟其勝場稗官不勝書之玄幻者矣每欲類合群
代之英爽收歸一門之彥範不敢附于末流聊當
剖其支理所恨尋源少契亂流滋惑獵粗稍易較
精為難栢梁之雲構未規漆園之化蝶引夢故是
形神不貸多由慧力全無時會相乘神物有合乃
惟壺丘高士方叔先生網羅百代洞抉微疑遙拜
下風忱通介羽即荷軒軸賁臨衡泌長跪進簡據
牘抽毫于是刪煩剪陋旁證通幽訂一傳而削草
屢庾核叢事而片言居要人閱幾百世必致其情

世經幾千年宛攝其處橫披者十餘架目眩不禁
繕寫者六七人腕痛欲絕未周兩月遽有縣書茲
又簡鄒枚於前茅奪其先鞭叱張左于後殿邁其
淹轍者矣若夫幽闡忠魂洗冤讒于皎日顯禡奸
魄擊魑魅于震霆怪魅畢陳鬼雄無遁何妨兼載
益表妍媸已乃扶桑槐國備綴毫端夷邦雁臣亦
續楮尾斯誠羅衆星而縣象集千腋而成裘矣遭
遇既隆幸甚過望嗚乎靈光莫毀逢延壽而金碧
重輝赤城天台值興公則霞標彌煥難為前修不
愧後美定關冥數豈屬偶然撫懷此書若公之海

內豈無同好推聲傳之後昆端有幽靈呵護者矣
壬戌初夏東海樵人崔攄拜撰

水經注考序

軒皇窮覽驂七聖於荒途穆后徂征舞八駿于絕域
亥之四極益涉八遐足跡所蒞竒秘亦覩若使漢槎
上泛志謝張騫天竺西邁遊非法顯鮮不以錐窮地
大蠡盡海深秋水灌河水夷獨笑滌澗降潦泠鮒自
矜矣雖然蒼嶺靡盡名川何極車轍可遍人壽幾何
頗聞舜受河圖洞地衡于玉甲禹開山篆通水理于
銀編號為如神故由載籍况跼蹐環堵坐見天墟不

賴殘簡曷知域外昔山經備八紘之乘地志存一代
之官而闕誕所登賅而不密廢興以繫略焉未詳惟
世傳水經一書出新桑欽之手又注數帙魏之酈氏
稱焉蓋宏博少雙括綜獨擅矣水經從來久成聚訟
以予未解愈有可言何者隋書經志不云撰自君長
杜氏通典力爭非肇莽世于時聞見已有折衷予謂
孟堅地理叔重說文間引桑欽之談輒與水經不合
則非由桑氏肯益躍如且以杜氏次索之嚴輒殫摩
研之役蓋有樂成陵北新望漳流君子濟東故看河
水斯起漢桓之代又非建康之前矣永安更自劉主

西平改自曹瞞作樂字山吟始聞于梁父武侯謚壘
木已拱于定軍蔡洲蔡瑁之居魏興魏文之郡陸抗
信陵之新邑朱然步闡之故城比自鼎立以還邈於
閨朝尤遠至若寧國鄖鄉平吳始立南平長樂太康
志之沌陽分於江左晉昌建於桓氏義熙構難城名
平魯永初置守戍號垣苗又張渡起索干之代臨齊
當蕭氏之爭王城築在明元骨律營於太武凡此津
堠皆貫經辭理既難通義亦當躓而論者必謂水經
之奧實為桑子之書雖復不食馬肝固亦未嘗鷄跖
耳或曰數事皆極乖爽而通典其評切明唐去魏

非遠故注與經未殺世禩徂遷簡編訛謬傳抄踰於
三寫讎校乏於二人故令酈桑互有陵谷子謂春秋
之書日星共朗後更公穀多變左丘且書有古今之
殊文詩有齊魯之異牘學尊所習術致多岐水經自
景純啓其文條善長窮其鴻致各傳以意勢所不無
予顧守愚心怯於懸斷未能頓歸酈氏聊疏以俟博
徒若此注引經摭傳博討藪殘援古論今務窮物隱
考詞陳其芳潤選事獵其異聞次令大川所經枝流
攸逝莫不峰巒城邑宛在目中丘墓人物便同對面
即其佳構信為良書但經始行邁卒業造次故述封

建則人地交舛。援故實則時事多踈。略其玄黃。殆非此謂。遺其糟粕。諒不若茲。又望隴思人。過淄自鏡。鴻涇投馬。吳阪困騏。本出寓言。非閔實事。而皆騁一時之結撰。忘先哲之俳諧。學而不思。蓋操管之先病。博而不精。實成書之後短。宗正鬱儀。吾友耳。伯審其疑。璞解其連環。可謂酈尉之忠臣。桑家之美裔也。己未夏日。過訪學卿。適見鬱儀來貽斯籍。學卿示予曰。箋可益否。予曰。王湛言易。武子未聞。支遁解莊。諸賢不及。盍各言志。吾何敢辭。既而郢質云亡。牙弦莫賞。遂寘篋筥。未之朱墨也。甲子困於世網。竄在海濱。偶以

此書自隨。爰取獨玩。繆誤多有。朱紫寡分。因歎論必假於典刑。徵必資乎文獻。而予昔舊籍盡委。洪波偶有思存。無從執據。迺博求好事。廣借藏書。尋潁陰以證白題。檢扶南而徵長頸。畢公同姓。或彈司馬之非。子合殊疆。亦舉孟堅之失。辨涉河於己亥。參濟洧於戊寅。校練違訛。訟論踳駁。其或箋所廣引。義有未安。亦考其源流。隨以駁議。無獨奮其臆說。咸取券于前修。至于所采漢晉群書。元魏故牒。畏燼過半。質對闕如。計所未知。殆逾十二。又亡篇不少。落簡莫尋。悵缺璧之靡完。惋全錦之多割。尚須博物君子。耽學疇人。

助此移山成其覆篲。顧此書譬鏤春冰。正復非急。若
理亂絲粗。為有緒。豈煩史氏聚鴻。古於帳中。不俟畫
圖。縮川途於坐側。院塞可指。紆徑具存。卧足良遊。見
三山之在下。夢堪識路。孰萬里之為遙哉。聊用自娛。
輒公同志。

蓮花阡志序

若夫桃枝嶺上。朝引氣而青葱。蓮花峰前。夜蘊真而
翕赫。秦郡餘基。半歸淪褫。越宮故苑。鞠為丘墟。衰林
翳乎平隰。荒榛鬱乎長阜。地稱不食。方乃就陰者久
矣。且其遠則東睇石鼓。凌雨若隕。西控天旗。迴颺欲

舉萬雉。美城降觀。納其雄富。五虎崢巒。平視銷其巔。
巔朝夕之池。以為縈帶。蒙稚之流。時見徑復。近則洪
湫漉沫。怪物攸栖。溫泉若湯。灾疾能愈。賢王墓道。烏
悲松栢之聲。貴主妝樓。草妬黼脂之色。風烟攢笮。露
霞榮鮮。水木之華。與神心玄對。丘壑之美。共靈襟放。
趣其間。却月流形。下埋玉樹。亂雲寫狀。側立翠碑。盖
職方之卜宅。為相國之新阡矣。相國瓊基。拓於崧高。
璇源。彌於江左。代宣其業。葉炳仄靈。故能韜含洽於
堯卿。鑒識劭於子微。曠遠齊於安石。至性過乎仁祖。
夫其弱冠策名。丁年從政。正色直道。清襟淵材。高軌

運送篇
騁於夷險利器游於根節神明有聲轄七車而非詭
束修無玷金如粟而不懷則志傳撫其芳銘誅鋪其
槩可略而言也若乃四十懸車栢道塵垢之外耆耄
炳燭翱翔述作之林鷄謝雲溟榮願已足鴻飛天路
弋篡何施斯明達歎其確乎才士之所矚若矣歲去
不停老歸難卻人理窮而下世天年終而上賓魂氣
歸天空云陟降骨骸還地長入幽冥茫茫白草正出
遠郊駸駸素騏已臨郭北蒿廬見日曾是牛亭之營
蘇域悲風終遂魚山之志尋其葬處所謂蓮花阡也
憑峰起冢即岫謚阡惟因勝處不稱官閥豈如曹氏

京兆為名異乎巨先南陽署表墳高於雉未改王章
墓樹以藥式遵禮典門人懷舊方為下馬之陵執友
思賢行過酬鷄之隧新桐廣路逢雲旗之去來宿草
飛罔覲精營之髣髴職方在杭氏風流文學主我齊
盟治行政聲光茲朝列會葬來四方之士送喪致千
乘之車並仁達之用心念儉靡之非孝經撫顧命從
治不違篤終遺言順意無改既厝玄宅便止居廬以
為百齡儻忽徒曰短期九京寂寥差堪終古德盛者
光靈遠道悠者神理絲竹素丹青頗撰平生之行盤
盂金石嘗流身後之榮至于碧澗青山經營脩壠白

楊芳草蒼蔚高丘行恐章臺之東直看武庫暨陽之
滋變為桑田可令萬歲千秋薪蕘不禁歷世曠代冥
漠茂稽者乎昔者延陵遺垠猶傳洲淤之途都廣孤
墳廣求華實之異雒離兔檀蔭孔樹者連類金渠灑
水慕帛君者默記眷焉遠想何宜多謝爰哀碑表之
篇畧討培塿之勝咸歸于圖紀具標于簿錄緗緜乍
啓不覺施哀霜露未濡良多感愴稍聞響像寧俟玉
房之排坐望墓田靡假銅臺之陟可謂生事盡愛死
事盡思者矣至若書生指視世為貴公老父教言躬
持國命機托乎冥昧理歸於玄閔斯象數之所未兆
而職方之所不圖

車塵雜述序

昔者刑鷗著書辭碎而理博伏熊述旨構狹而義駢
韓非連類說林為經劉安緯物說山岳訓它若江都
造典繁露脩列子雲創竒連珠肇起暨乎漢章之世
邇自梁武以前賈逵傅毅之徒沈約吳均之輩靡不
騁詞秀簡約言連續名歸結琲家合積瓊者焉要以
詞芬芳而可悅理峻潔而逾超言婉約而疑終情懸
連而無賜有古詩風喻之義亦昔人佚宕之林也厥
後作者準擬稍倦况復原其颺而益扇踵其製而增

華者善述之流未有遇矣吾聞陳克興先生早徵秀
孝屢應賢良幾待金馬之門十過銅駝之陌黑裘既
敝黃塵復染豈無歎于韞櫝每有懷于載筆於是或
憑式為篇或書鞍成軸微言妙論高深括其蒼黃快
事異聞網羅窮于今曩體裁高貴品藻精嚴乍出乍
入環至鄭而必雙亦玄亦史劍踰延而自合蓋淵儒
碩議范宣愧其扶轅繁學博通常景矐乎後轂其憲
章舊哲軌範連語洵文章之支流道藝之淵海也夫
立言之體必殊綴文之方非一故取材恨其不贖研
理悔其少竒持論慚其寡覈吐詞期其徑省設色虞

其難縟會意患乎過庸若美而能精博而善約高而
不詭質而有斐則鳧頸可以旋何羨乎鵠續翠羽可
以摘奚假乎鳳輝而君山遊玄虫藪殘之小論稚川
觀奧猜枝碎之短文以為可廢予所未識昔人不云
乎玉為識者賞書為曉者傳輜軒方言張竦比之日
月九真七序班固擬之春秋然則屑玉滿車何遽非
寶碎金成握亦足以豪諒矣予究觀盛藻廣涉嘉喻
始知張融玉海差觀滄茫蕭子金樓互相軒邈無徒
謂仲堪之雜集賀子之述言已也

讞牘矜疑篇序

澄風可記。草纓艾鞞之章。寶典所昭。金科玉條之憲。何者。匠物資乎繩墨。制民藉於鞭策。但賞先春風之煦。誅後秋霜之嚴。刑德誰優。寬猛孰得。以斯而較。其概可知。自長人以明察相高。能吏以慘礪自喜。深文益急。輕比茂聞。岸獄滋豐。霜零纁暑。參夷日用。波赤清川。倘有丹管亭疑。黃沙頌繫。能使長陵道上。無復怪蟲。會稽郡中。不逢虐魃。則臯蘇惟允。猶假神羊之妖。于張不寃。僅謝蒼鷹之酷。悠悠千載。寥寥數士而已。且吏牘靡傳於竹帛。獄詞竟秘於蘭臺。惜夫明慎淵思。宣慈德意。後有作者。未之能聞也。兩河叅岳山

陰祁公起家宰邑。結綬登朝。迨乎銅虎牧州。坐堂聽斷。爽鳩分職位。棘達窮惠。文之所彈。治爰書之所論。報往往滌嚴科於刺骨。解毒網之凝脂。故得神錫玄符。少卿之簡九寸。天酬明德。西平之馬兩驂。如我司憲。使君者少。漸過庭之禮。長綜延閣之編。銳藻清翰。卿雲掄其世鏡。英規勝範。許郭失其人倫。入建禮而擣華。出甫封而執法。任延涖郡。正得夙齡。子奇治阿。差同弱冠。術非握爪。薰豪猾于憑城。政異吹毛。綜神奸于鑄鼎。魚懸嚴署。清畏人知。蛇返床間。仁覃物戀。故逢掖歸于薪。楨而襁杖。鬱于椒蘭。也使君以為政

典國之巨防刑書民之大命且詳允之聲易得平反之蹟難追於是坐獄鞠入法無偏駝立囚決事辭必明徵木吏不言梧人自踊雖五辭既簡以結窮泉而三宥可蠲春萌叢棘昔子羔行戮剛者忘悲郭弘典刑罷民無怨絜以令政良足相儔然則蘭浦淥波方流寬蕩壺巒碧草猶悅昭蘇人之歌舞固其宜矣至若霍岳南看泉山作鎮漳河東望瀛海為池地兼千里而遙郡總八州之重奸邪滅沒獄訟放紛有抵讎于株連或吞聲于鉗灼使君簡核行褰帷之事勾稽分持斧之猷咸屬受成並從兼治故于對簿証引者

接以溫詞希旨周內者求其麗事寃嫌久訟法理之所難衡朋競紛囂累政之所無斷莫不端心平意分理劈肌捷若柳崇智如王渙推見至隱稱塞群疑使夫韭已翦而還生灰既寒而復燄盖有璧千金陶公風以從厚其矢一束管子示於惟輕則五郡誦其神明萬人懷其陰德矣古者鑄書金石銘憲鼎鐘欲使禁令煥乎民思猾巧消于吏志是以使君訊確駁議當官而行記成辭案國門可揭夫秋官布典人得共觀仲尼聽訟詞不獨有茲編所播豈不然與雖然獬廌流慈行矜枯草麒麟載德遊避生蟲非獨性成殆

由習見故吳雄之明法令世著名家陳咸之戒子孫
代慎蔽獄使君議當寬恕本自哀矜條出詳平亦遵
軌憲具見孝弟之性詎非仁閱之心哉抑聞劉頌云
刑理有塞期於釋膠杜預云法書引繩非為窮理茲
編詞如老吏申韓名法之倫筆則鉅儒董賈春容之
製或寸言挫衆或累札感人析芒理于薪粲之餘探
隱情于灰釘之下破法曹之膠柱極律訓之迴環足
令子雅擊節當陽杜口者矣嬰獲淑文翁之教曾升
張禹之堂奉筆諮承伏膺清誨披讀校練愛其德音
謹述刑典之凡竊附律畧之論

回生記序

夫身貴天下含識皆達其原生重隋侯通人猶櫻其
念故居常待盡或無怨於沒齒枉性傷和輒結恨于
終生如使明哲不夭於斧斤凡鄙自畢於埃土賢者
必齊于龜鶴不肖盡啗于狐狸造化為工玉成楮葉
天地為冶金變莫邪雖繁滋者寡而摧折靡恨矣且
以禍福脩短之數號笑弔賀之機上帝司權聖人立
教如書明惠逆當身迅於影響易稱殃慶後嗣鍾其
遺餘析理則不乏幽致考實則未聞顯驗何者蓋使
悔吝在己吉凶由人則冉耕正行何有采芟之嗟顏

淵亞聖當無朝菌之促百身可贖止棘之歌殊愴諸君不死子荆之憤難平且淫昏者美麗而仲宣落眉流宕者逸樂而士安喪足皆冥理之叵推而為善所用懼也若謂不在其身在其後人則子孫直為委蛇雲來復不可知或汰虐以保家或豈弟以隕命橫使不忠不孝集隱慝于躬身無罪無辜抱幽繫于後葉昊天不忒其謂之何且于公陰德高門待封比干活人算冊膺寵而張湯酷烈七葉珥貂楊彪名德衰齡舐犢安在恢恢之目痛乎憤憤之悲也釋氏見斯乖互廣設權實業別二因彷彿典謨之說報分三世推

移爻繫之言欲以冥科頓解民惑然而形終神去魄墮魂游縱更受形定淪異所譬諸種芥成樹展轉移根瓶壞歸土迴環再殖使昔生造孽今代伏辜是魯酒薄而邺鄆圍宋城薄而曹衛覆也况六道輪轉百生循環今為魁梧俊爽之姿前即飛馳冥漠之趣豈可令人蒙物禍鬼代天刑又口嘗燒炙永墮鑊湯身觸佳姘長嬰銅柱而伽叱屠邑享天樂于六生閻世殺親負世罪于俄頃新婆沙論曰有屠兒名伽叱是立伽叱白王許我城中獨行屠殺王曰汝何求此惡願不伽叱當來苦耶屠兒曰白王我憶過去六生於王舍城中行屠殺後生三十三天中多受快樂從彼天沒生此間與王知友故知善惡其果定無苦陸本行經

悔在佛告阿闍世王。殺父。惡逆之罪。便當得脫。冥司科罰。傾側若斯。幽途抵法。出入罔測。徒令人背情失性。束手。桎足已耳。蓋嘗論之。窮通自命。變幻之理不恒。夫壽懸天。愚弄之情非一。單養內而虎食。張脩裸而病攻。子生輦賄之車。艾薰逃王之穴。劉安受道。叔夜養生。而并得戾朝廷。示終都市。山陽名輩。零落無時。吳中高士。求死不獲。茲皆斷鳴臯之鶴。脛剔翹陸之馬蹄。奪靈性之所欣。強人生以甚戚。且仲尼慎疾。葛籠密陽之居。曾參護瘵。深淵薄冰之戒。而北窓屢卧。東首特聞。賢聖猶然。况於其次者矣。費無學履。信思

順蹈道依仁。席無麗妓之登。輪靡孌童之踐。上官淇水。念同珂雪之城。大路青樓。視若黃沙之室。而崇均惑。蠱疾類。滯荒日夜。就醫惡疾。不損寒暑。改歲積弊。無瘳。小雅巷伯之倫。詎傷貝錦。子長蠶室之釁。非起蛾眉。石立墓前。趙岐每虞其奄忽。雉籠簷下。郝超自分於旦夕。平生親故。涕零訣別之書。繞床妻子。情微脫屣之戀。歸神幽陌。束身鬼闕。罪成一訊。同刻木之風。獄具五刑。無翦韭之惠。但文章宗匠。作帝西犁。忠孝官臣。疏名寶院。徵厥聞見。足為喜愕。至乎導師授簡。銘就蓮菴。使者持幡。言旋榆社。號儲起坐。不關鍼

熨之功門卒復生非藉神仙之術開騰檢算同趙泰
之還家就案贍書等袁廓之歸郡固反常之奇厄亦
回生之異聞也但生靈無恙人性廢焉床第之驩已
辭風流之樂永謝人非木石能厭離乎夷考禹謨仰
尋天道彼有方埋妖枳立致駐齡之禧一啜寒菹坐
得蠲痲之劑而無學性不傷物善足及人陰德紛綸
陽報寂寞其舛一也倘謂咎遭陽九誠彰坤六則代
有明德世脩其勤宣孟之忠猶存樂武之施未沒而
慶乖承嗣疹實譽身其舛二也如以宿命所招前業
未畢則曩骨已朽今識何知昔既網漏吞舟之魚今

也置離畜樊之雉甲造乙受他負我償淵旨誰明私
心未服且其至心懺業歸命福田使勝果有徵葦報
不爽當令流沙王后彈指成男捷馱寺人剎那具體
菩薩本行經曰有國名不流沙夫人字跋摩竭提自
出祠天有婦產兒無食計欲啗兒夫人聞聲入舍問
之語莫殺我我到官中當送食來婦人命夫入便取
或復稽遲我命在呼吸不如啗子濟命夫入便取刀
自割其乳持用布施濟此危厄爾時世界震動諸天
讚歎夫人應時變為男子新婆沙論曰捷馱羅國有
一黃門暫出見群牛五百入城問驅牛者言將去其
種黃門自思我宿惡業受不入男身今應救此牛遂償
其價悉令得脫善業力故黃門即復男今現酬未睹
身玉聞驚喜轉授高官雜寶藏經同男今現酬未睹
冥應尚賒其舛三也嗟乎福善禍淫六籍將為虛語
生天入淵果報本是誑人反使姑布之言骨法日者

遠遊篇
之語命祿良醫謂出入飲食之事。巫咸以山川星辰之災。皆得伸舌而談。禳救之方。扼擘而售。竒中之術也。雖然。先迕而後合者。聖人之言也。慮亡而長存者。君子之道也。倘竟伏膺羲禹。稟仰孔釋。玩占發憤。砥厲如初。蕩累脩心。精勤不退。必能自求多福。集召百祥。無學既已。還氣泰山。追魂北斗。方思得生之幸。詎圖縱樂之歡。使妙舞妍倡。西毛與嫫母同色。垂名立事。鐘鼎與泉石均情。庶幾病愈身輕。山圖之心。已化血絕。創合明生之質。就靈亦不失排霞而凌太清。御鶴而翔九垓矣。無學其猶狃耳目之細娛。忘天地之大德耶。相如云。濟萬世不足以喜。向秀云。雖長生且猶無歡。茲辨者所以擊排巧言。所以角難。如曰實論未之或知。

法苑珠林要畧序

原夫天出沸星。肇法王之影迹。月躔質宿。興大道之權輿。六年辛苦。為山既成。七日機緣。懸河始吐。迨乎教弘。葱右化被。竺南二十八天。魔縛悉解。九十六種邪甲。俱摧已而娑羅樹間。金棺示闔。天冠塔下。白纒遂然。一音不停。微言頓絕。則有須彌頂上。迦葉之摺。捷椎門鑰。孔中阿難之承囑。累龍宮方闕。鹿野攸藏。

象教流移高僧傳譯部分十二始顯于真丹門殊八萬漸弘于忍土盛矣哉論議之河漢文字之岱嵩也雖復鐵圍為研大海等墨筆罄浮提之竹紙窮大仙之皮未足以寫彼正真受茲秘密况乎慧垂羅什勤謝法顯縱脚翹不下詎悠稔之可殫腹鑠當縮寤廣心之未筭矣唐西明寺釋玄暉者啓寶函之奧典發金牒之菁華聚狐腋以製裘裒鷄跖而為膳爰成大撰號為法苑珠林清詞雨下見叙述之前密諦雲連綴方物之外信法輪之類苑釋子之勝場也然世尊趣覺群昏妙陳博喻意憐四衆虛引前生戲論居多

繁詞易厭而彼編蒲微濫緝葉傷多又吐納之處末後稍損當知園林金鼓徹三面而力衰聚落清泉望五由而恨遠矣予因寄寓聊取討論事采恢奇言紬藻蔚而未窮神籍輒苦鬼痾客謂予輔嗣割裂康成下而譴訶慧嚴瓌思偉人從而憑怒君宜思因果自保元吉予以為安比文句佛法所許畧說統行婆陁見推豈得妄見我人罔解魔羅貢高後代不折慢幢任使羅刹遮前乞浮囊而不聽旃陀逐後上寶筏而自馳心賞所存手書爰竟竊謂朱仲握裏悉是靈蛇之珍淵客篋中無非驪龍之寶矣客復謂百家殊方

九流舛派若使沙門講易得無顛倒乾坤佛子說詩
必且滅裂風雅君誦法尼父久費讐温未識迦文便
加筆削吾懼玉匱入鄭徒驚翠羽之華金鏡去秦不
覺魚目之混予曰不然善同原菽采之盈筐道若衢
樽斟者滿腹理無分土弘之由人且內典喻燈入暗
室而心朗佛書若月看永夜而目明昔竟陵帝子曾
傳淨住之文湘東記室亦有博要之集何必染服者
輒曉大乘白衣則未聞小品乎嗟乎十年聞道終含
愧于百齡千章成誦或讓益於一語今觀玄宗尚思
權教正以箠蛇易怒井鼠難馴柴柵彌盈火宅用譴
結縛罕脫風隴特危欲使跡類馬蹄頂成鷲羽四方
長爪五灸薰身或復玉女歡娛河沙等數華臺宴處
衣石疇形以苦求樂固其宜矣但得十使靡纏六塵
稍卻壯士伸臂之頃差少去來中女緝毳之時都無
生滅損之又指日慎一日善因彌熟惡業長離庶得
形相兼忘坐針頭而不礙心路茫渺處蓮鬚而靡妨
今所撰錄名曰珠林要畧云爾

贈費無學園隱序

隱之時義大矣哉巢由洗耳唐虞之業益隆夷叔養
高下武之烈逾顯是以盛明之代必有高尚之賢求

九流舛派若使沙門講易得無顛倒乾坤佛子說詩
必且滅裂風雅君誦法尼父久費讐温未識迦文便
加筆削吾懼玉匱入鄭徒驚翠羽之華金鏡去秦不
覺魚目之混予曰不然善同原菽采之盈筐道若衢
樽斟者滿腹理無分土弘之由人且內典喻燈入暗
室而心朗佛書若月看永夜而目明昔竟陵帝子曾
傳淨住之文湘東記室亦有博要之集何必染服者
輒曉大乘白衣則未聞小品乎嗟乎十年聞道終含
愧于百齡千章成誦或讓益於一語今觀玄宗尚思
權教正以箠蛇易怒井鼠難馴柴柵彌盈火宅用譴
結縛罕脫風隴特危欲使跡類馬蹄頂成鷲羽四方
長爪五灸薰身或復玉女歡娛河沙等數華臺宴處
衣石疇形以苦求樂固其宜矣但得十使靡纏六塵
稍卻壯士伸臂之頃差少去來中女緝毳之時都無
生滅損之又指日慎一日善因彌熟惡業長離庶得
形相兼忘坐針頭而不礙心路茫渺處蓮鬢而靡妨
今所撰錄名曰珠林要畧云爾

贈費無學園隱序

隱之時義大矣哉巢由洗耳唐虞之業益隆夷叔養
高下武之烈逾顯是以盛明之代必有高尚之賢求

志潔身自得十畝之內。激貪厲競。送懷百世之下。林岫泉臯。藉伊人以洵美。風松月草。介至德而不孤。具茨以來。率弘茲義。然所謂隱者。或韜伏以冥其身。或卷懷以殉其道。身晦為隱。宜標不仕之目。道殉為隱。乃成隱士之名。何者。晦身者。結志閒曠。狗懷安之鄙情。游心玄虛。無經綸之遠想。智不足與謀國。能不足與靖民。保無用于在山。守不材以沒世。廢自其分。何隱之云。且三家水側。必有曳綸之夫。十步山間。不乏採樵之侶。苟以不仕。概謂逸民。季子皆宜。問其姓名。王侯輒當禮以纁璧矣。夫惟道將運。閉徒韞櫝。而自

憐才與時。舛亦鑿坏而不愠。正猶龍淵之劍。碧水沉銚。鷄火之禽。丹山藏翼。所以七逸獨稱。作者三避。次乎賢人格。以清談斯為真隱者也。且夫隱雖一途。源有七術。松山桂渚。詎云寂寞之居。蕙帳蓀櫺。翻成佳麗之館。苟其癖耽泉石。性樂禽魚。能無佚宕不歸。畱連靡已。是為嘉隱。其源一也。陟岵靡瞻。高堂永別。列鼎之悲。空結捧檄之喜。已遙。豈容復謁帝求通。詣王干祿。是為思隱。其源二也。世途寡適。沐雨櫛風。人間多事。積案盈几。固知偃卧雲裏。差免勞生。散髮山中。聊以養性。是為懶隱。其源三也。雞鶩爭食。匹夫寧奪。

其志牛驥同皁介士何以為顏於是毀冕裂冠者耻
游於濁世入河蹈海者羞處於同人是曰憤隱其源
四也妖脂出夜遺膩恐其污人洪濤蕩岳餘波畏其
及已於是見幾而作游泛滄溟未兆而謀翺翔寥廓
皦然議論之外不涉悔吝之途是曰智隱其源五也
畜雞種黍既有父子之歡織屨辟纊非無伉儷之樂
鹿門之即家不返衡山之采藥相從是曰倫隱其源
六也富貴之留人不如貧賤之肆志翫世之依隱何
必詭時之不逢阮籍於是乎哭返何點亦因以醉歸
是曰達隱其源七也此七隱者或慷慨而抗志或清

出而絕塵有一於茲便期貞遯而况歷遭世故兼抱
斯懷者乎無學所以謝塵纓于朝市彈雲冕于林園
者也無學過庭芳訓曾摛隱逸之篇詒我德音亦極
隱仕之旨然猶戒資斧飾車騎懷遇合於金陵思橫
經于壁水玄冬上路朔風吹其衣裾羈旅徘徊積雪
高於馬首車解輓而固進舟破冰而屢前固知經世
之圖未遽衰損王佐之畧尚復躊躇也茲年予向新
安道從鼂上無學則投佩辭榮告誠於知己閉關下
楫絕迹於衡門矣夫向時覓仕率爾而出今茲藏器
確乎以逃豈素絲之無恒抑賢者之難測也無學應

變迅於九轉。臨事捷於機。竅敷奏以言。則文章可采。考論其執。則經術已明。試異等者十餘。舉直言者四。上前祭酒。樵李黃公。武林馮公。皆以為一時之清才。千里之逸足也。今天網遐頓。揚旌既懸。茂士翹心思。離屠筭之賤。異人企踵。欣垂虹霓之光。而無學乃委志窮山。高蹈塵表。豈其初志所願。蓋亦飲恨不堪耳。夫東膠清塗。門闕是取。西雍美地。俊選所游。若蘭艾雜糅。則禮園為穢。涇渭混淆。則清流亦滓。乃私家之豎孺。珮而執經。吾弟之奴。纓緹而釋奠。孰為此禍。誰生厲階。彼近器之鼠忌。投憑城之旅。有托欲怒。則柄

不在已。欲泣則近於婦人。講幄比肩。寧能忍辱。儒宮讓齒。得不厚顏。且其行險陰謀。必覲毋望之福。含沙斬袂。難保孔艱之心。謝瞻門庭。非藩籬之可隔。沈顛一室。非迎送之得辭。石席之詩。賢者以違。侵害天山之象。君子以遠。小人何去。何從。其終隱乎。夫無學少。有遠神。長懷逸操。山川之美。殆由素尚。潛處清豫。亦出宿心。二人不存。本痛心于齧臂。孺孩在側。曾忻慕于丈人。况今義不可行。時弗獲止者矣。舊宅之北。有松園焉。古木千章。停鬱歲寒之葉。繁花百色。開芳春日之枝。夕鳥參差。競歸綠樹。曉猿鳴嘯。半入絳河。高

閣連雲直視三閩之野曾臺拔地俯臨九石之峰復
道連綿每限曦日迴廊宛轉常蓄流煙山趾時見乎
清川鄉內頗豐乎黍稷既異都廛之囂聒復殊巖壑
之寂寥賓客款扉應門不啓書疏自遠屏去勿關穀
帛之司歸諸婦氏慶吊之禮付之兒曹獨寐寤言晏
温未出栖遲偃仰風雨深藏時緇未見之書屢惜易
徂之序毀譽自彼視等條風寵辱之驚不入靈府於
以保七尺予以終百年豈必餘粒落毛爭鳥獸之命
茹芝採椶損草木之生哉嗟乎蚤潛商雒垂白翻履
於漢廷少隱壺山投老猶縻於好爵井丹潔士未能
傲乎驕君荀恁碩人尚復屈於威武毋乃迷邦一語
遂開濡足之津大隱過言足掩出山之詬易言無悶
何堙暖之未其記稱不悔豈神情之忽動無學陸沉
當世非海非樊自竄人中不磨不涅悲巢裘之名累
笑箕穎之未真假令騶使造園蒲輪入谷豈能隱絕
帝命終辭衮職之榮偃蹇鑾輿靡受尚書之祿嗚乎
星干御坐方知處士之心月犯少微始畢幽人之操
山林易厭魏闕難忘行矣費生勗哉自愛勿使高卧
東山有愧高崧之戲馳煙驛路猶煩孔氏之移

談薈序

仰闕乾精象緯羅於九野。俯察坤靈融結列於八鴻。崑陵則夜光之圃。河宗為竒詭之輪。法象無窮。大人攸則。是以寶書蔚薈。莞百氏之芳規。洪冊歲筵。藪千載之隱記。浩蕩究天人之際。窈渺研性情之幾。絜富於覆載之藏。競竒於河岳之怪。載籍以來。其惟談薈乎。談薈一書。吾師玉芝主人徐公纂也。公才包三古。尤好博甄。學窮九聖。益耽劉覽。自延閣代移。稗官家積。酉陽赤簡。媯泉綠字。黃車使者之說。青藜仙叟之編。及乎群玉策府。駿足騁而得觀。靈寶秘局。龍威入而竊覩。嵩高山腹。嶠岳石扉。安釐已掘之陵。文信未

開之冢。其間遺縑殘竹。斷簡折韋。載事隔於人寰。詮理殊於象外者。莫不畋漁幽秘。蒐討怪迂。以為清耳。可以代笙簧。寄情可以賢博奕也。至其網羅既富。結撰彌繁。每發談端。選言而徵事。一入辨圃。比類以連。叢鈞讖槩。所未詳耳目。咸所未逮。旅腋非一。爰集薛公之裘。鷄跖必千。用實齊王之俎。觀其幽贊符命。掇庾峻之長。宣明史籍。齊荀崧之致。所以經緯區宇。彌綸彛憲。牢籠品類。苑囿今故者也。倒囊而出。非俟門庭著紙。懸河為章。不煩戶牖。寘筆廣矣。遠矣。能事畢矣。且夫纂事難密。考古易疎。尋煩領雜之方。恒無偏

解芟庸收竒之術亦少精析非夫思覃沉鬱才兼澹
雅安能貫穿以極情錯綜以盡變集先代絕言辨高
郢縣齊百家襍語通埒龍門也哉雖然職在從容之
地身居著作之庭涉學多聞著書為易公揚歷華貫
鞅掌王事綏靖與經營埤益久次旬宣文德與武衛
兼籌仍資開濟訐謨雲湧氣梗載清遠略颺騰幽深
得所而未及宣序朝讀百篇始輟糾虔夜盡十卷博
聞獨擅惟立功立事之中強記靡遺在畫方畫員之
外眇觀萬古如同晷日遙視八荒若在戶庭昔當陽
注左於戎幕仲寶構志於綸扉于時笑談差可方幅
至士深之壽光書苑詎堪負韜修仁之華林遍略何
足扶轅况乎虞綽玉鏡葛頴寶海豈能匹此敦說窺
其淵府也哉絨懿名山傳副通邑倘逢拘士方驚井
裏之魂以示通儒秘為帳中之寶矣嬰曾學隸古幸
及成篇既已得寓鴻書伏尋哲製審形惟肖具體蓋
微徒慙操縵于丘門莫附絕塵于孔轡迴環忘倦欲
罷不能裂帛寫文同端木之錄讖抽毫綴牘效卜子
之序詩云爾

贊

五公畫像贊

夫翼亮立忠朱闔彤弧之錫沈冥喻志箕岑濮澁之
邁迂合殊遭故後先換軌屯康代運故通介賀情長
沙昆苗清暉潛於下澗鹿門哲胤達節著於牂牁何
踵武之蹠跡而承家之經反要以積基樹本美業托
于始開重光紫炎盛德繇于世載英靈電舉祚胤霞
煥傳之不朽致足述矣我周氏祖宗以忠厚垂統子
孫以詩書弘業迨居青浦益濬璇源又六世而廣文
克開之七葉而方伯克篤之自茲長瀾增濶洪柯彌
蔚鴻臚光昭令德不墜家聲文學卷懷學殖志繩祖
武布衣貞操介立孤風直上凡茲或勳爍春秋或迹

章譜牒更僕未數可略而談但神基疊構淳耀之被
無渝靈源委屬慶澤之漸自遠於是布衣之子喬卿
先生念百世之本枝懷五公之風範作求光貌庸圖
卷軸是知聲容肅儉非煩太甲之思墻羨宛然時下
曹休之拜嬰於世系實惟末孫邇從路寢仰瞻遺像
不勝低徊之感可無論撰之章懷允不忘敬作頌云
廣文公諱坦字孟寬正統戊午舉第七人四川武隆
教諭生方伯公諱進隆字紹立成化甲辰進士廣西
左布政使生鴻臚公諱懋憲字曰清鴻臚丞出為嘉
興簿生文學公諱大登字奇崇邑博士弟子生布衣

公諱如墳字所諧

猗歟我祖受氏周京中葉不造寢丘是營涉江而東

于越之靖崎嶇五遷經啓二城前瞻壺嶠却佩淥瀛

青谿秋澹彤雲晝縈神臯闕隧寶硯流禎乃昌厥後

世篤其英祭酒邁種覺處民先紬藏虎觀摘采虬川

密行冰履玄論河懸高衢騁轡外寓譽延珠厓絳帳

涪水青氈錦官珥管滇澤持銓鑄金成器睹璞別璿

浮沉參訓二紀綿連筠篁讓節霜霰共鮮量移東海

遽及虞淵愛存遺祀慶鐘後賢爰逮明牧夤亮聖皇

學涉淵海度式圭璋月明稽固草碧周塘方伯公理

餘姚民爭草蕩一公聽其訟以界外新漲民開墾者給

民三姚之一別築一塘為界延袤六十里人人感悅名

之為繡衣立漢白簡凝霜焰息權貴謀寢逆王都御

周塘繡衣又疏抑宸濠益祿之謀濠為奪氣

奏罷之疏抑宸濠益祿之謀濠為奪氣

綬碩鼠褫裳霆贊鈇鈇鬼懾銀鐙邵寶作公別傳曰

劫逐貪殘大吏去李逃八山人行部至宜春捕豪民裴

李二入裴遣戍去李逃八山人行部至宜春捕豪民裴

之胸有墨題六大字行道聚觀咸謂天助公誅惡子

也胸有墨題六大字行道聚觀咸謂天助公誅惡子

險隱民得糗南作歸符西平守祔公別傳曰雲南景

險隱民得糗南作歸符西平守祔

西平守祔

公別傳曰雲南景

景

官知府陶洪等殺被奪符驗五道院司累索不應符

為按察副使巡行到彼諭以朝廷威德洪即日奉符

請罪改江西副使時西平忠武王李晟之後清軍官

誣以脫軍八名奪爵公按尺籍譜冊庶知其枉為之

誣以脫軍八名奪爵公按尺籍譜冊庶知其枉為之

公按尺籍譜冊庶知其枉為之

庶知其枉為之

之

遠遊篇

二卷

七

昭雪郡法緩都龐化浹狼隍之屏之翰為龍為光九
 族既睦五廟載嘗陵谷有改聲烈無疆我我鴻臣振
 振鳳毛澄舒競映朱霞爭高桑梓施教松楸實勞璧
 水執經雅館彈毫周典賓客漢掌蠻髦練達舊事儼
 贊清曹出棲枳棘居沒蓬蒿文明英槩永垂風操文
 學宏逸有美才名雅性夙惠顯學早成稍簿恒產默
 讓同生槩雲烏山納月繡甍雕脂夜藝縹裘晨橫凶
 席致毀素鞞悲笑翱翔丈圍黽勉夷庚年盛志美道
 替身傾芳華莫覲盛烈彌貞布衣淵朗文史佚蕩因
 心孝友沉迹翫辭毋免干戈身從俘榜江革不孤趙
 咨更兩酌泉惡名蔭枝避枉列騶靡過落毛足紡氣
 鬱風霞詞潤鏐塋國爵屏馬至富自賞蒼松千仞丹
 厓百丈戶閭無人山高可仰於皇列祖陳錫載周奮
 翼綺漢潛鱗芳洲人殊默語代緝德猷世積功劭身
 遠名悠儀形未謝彛鼎長畱舊德名氏洪緒箕裘尚
 晞清風共挹玄流勗哉後生鏡此前脩

七卷終

遠遊篇卷之八

論

嵇叔夜論

莆田周嬰方叔著

世之論叔夜者大都謂其露鋒穎觸權貴識之明哲之規身蹈刑戮之愔以為叔夜尤竊意其不然夫道術不同志士靡回其盼流俗所與君子不屑其身是以北海之濱望望于將晚東魯之教懸想于探湯若以同塵合污為宜渥泥揚波為正則世之媚竈階寵舐痔得車者又何怪乎鍾會視瞻不常挾術難保太

初絕之於彼。枯親兄數之於受。鉞其於叔夜。何啻薰
蕕之殊品。緇縞之異色。而漫責其邂逅。敦好綢繆。狎
結也。夫騶虞不與餓豺為伍。鸞雛不與鷓鴣為群。嚴
遵枯槁之士。劉巴狷狹之流也。王鳳請交。君平不許。
張飛就宿。子初箝口。然孫權欽劉之高。邈時人服。嚴
之清尚。豈不以能守所志。不交非類乎。使叔夜降心
順俗。周旋世故。隨波逐流。依違貴達。強本性之甚。不
可釋。當年之必不堪。喪其所養。何以為叔夜哉。夫鄧
隲之勢。暄寒可變。魏武之威。山海可回。乃張霸在公。
逡巡之情。逾固宗承。聞命松柏之志。猶存。叔夜蓋求

之宇宙之內。而叶之曠代之下。所以托柳下而箕踞。
臨鍛竈而不輟者也。且夫可餌以祿爵者。可誨以脂
韋。可脅以死生者。可迫以俯仰。若夫選曹聞代。詞情
慷慨。獄吏銀鑄。神氣激揚。榮華等於浮雲。身世辟之
逆旅。尚復能撓心於夸毗之事。迴腸于危遜之途乎。
且叔夜琳琅其志。土木其骸。彼所謂養生者。固欲無
為以久壽。離事以保年耳。若使之蠖屈其行。雀息其
處。如濬冲晦默于散籌。嗣宗穢德於濡首。伯倫降色
於相梧。子期詭對於失圖。雖令與喬松爭年。涓彭比
壽。其能為乎。嗟乎。海宇鼎沸。周道車槩。藏身者以苟

全性命為賢無辜者以克終天年為幸袁閔則散髮
絕世畢影土中。夏馥則滅湏變形。親突煙炭。生人之
樂已盡。怯死之恐未忘。斯亦鄙而可憐。億而足羞矣。
叔夜神才高傑。時彥莫叅。思情邁遠。名華固測。時非
自免之運。代無見容之人。觀夫東市日斜。廣陵曲絕。
豈一介讒口。能成貝錦之災。三千子衿。莫贖卧龍之
命哉。嵇生不死。魏祚猶延。彼絕山之書。非薄湯武。荅
郭之詠。懷思豫。聶子上。豈不識一掌。叵以堙江河。寸
木茂以支大厦。亦惡其標不屈之節。明義士之心耳。
爰盜有辭。梁王懼敗其筭。孔融正議。魏武慮鯁其業。

於是陰合徒黨。潛構禍階。殲我良人。芟夷所忌。彼鍾
會者。殆北海之路粹。袁紹之勝詭乎。天之方蹶。龜鼎
未移。人之云亡。市朝亟貿。嵇朝即儻。而晉夕受終矣。
是知芒刺在背。勢所必去。芳蘭當門。理無不鋤。嵇生
若霓裳羽帶。翱翔霄衢。騎龍弄鳳。絕跡人間者。或足
脫此百凶。貸其一死耳。嗟乎。蘭摧玉折。不失正性。蕭
敷艾榮。何足每生。當此之時。政由典午。祭則當塗。彼
紆青拖紫。佩璽擁旄者。名為魏臣。實皆晉有。國如傳
舍。匹庶不以為嫌。君若弁髦。豪傑莫之或怪。即阮公
傾側危日。鼂勉荒塗。其詠懷諸篇。風霜凋隕。無非慮

患之深榮悴去就自審保身之術而鄭冲勸辭據案
不讓非有在弦之矢亦無將鉤之兵助此奸謀殊傷
盛德將其志存長世趣取免刑然佐命之業方隆啓
千之期已久使嗣宗沉醉而死不為中行之士耶名
德不昌遂有踰月之壽斯文既喪翻留勸進之茂林
下諸賢嵇阮並舉以此而論阮非其儔矣雖然嵇生
之天山阮何在後之人曾不聞其觸冒危機彊爭庭
論者豈馬昭之龍鱗難攪鍾會之虎鬚忌將然阮以
通偉見親山以平心中款何遠為以水投石揚湯止
沸耶抑以俊士填溝壑餘波將及人全身之計宜先
死友之義無益耶嗟乎每有良朋况也永歎追誦斯
章以為太息

禦夷論

沈尹有言曰古者諸侯守在四隣夫至治之世遐邇
一體中外相依受敵方之擊蛇則首尾合勢禦侮譬
諸逐鹿則犄角同心金甌無傷銅盤共歛敵人蓄縮
假道而恫疑賊子逃奔背關而罔進是謂大順汜可
小康德既下衰謀不及遠縈帶為堞驅荐食於吾郊
畫地為塞送遊魂於彼野同室之鬪閉戶勿關乾棟
之焚處堂自若故曰諸侯卑守在四境也惟聞患夷

匪朝伊夕。瘡痍甫起。烽燧猶驚。不圖丹髮之髦。忽為赤縣之孽。此夷職貢靡紀。王會不賓。民之荼毒。鳧泛而來。德之休明。鷗沒而逝。至于聞帥延敵。外市成盟。幕府懼迫。柔遠弗議。於時信誓詐納。其金今茲好會。詭焚其衆。我實示之先過。彼何肯乎吞聲。然則浯嶼以南。銅山以北。緹杖釁鼓。介冑膏鋒。固其報怨之秋。棄疾之會矣。雖然。其國小而勢輕。且途遙而援寡。攻城侵地。始願所違。鳴劍彎弓。夙習亦舛。長技窮于巨鏡。介恃止乎堅舟。自保有餘。制人不足。即鷓張岐海。蟻屯彭湖。譬疥癬之困體。膚蚤蝨之害安寢。雖微為

擾。未足深憂者耳。閩海所虞。倭人實大。蓋其接壤東。治道里不過七千。居國南鄉。都城踰于數十。僇疾以資其性。刀楯以練其技。當衝城屠。值及陣碎。即紅夷亦明。以乞師。伏我且陰。以間使抵倭矣。中國廣大。天子神聖。餘皇須慮。非臧於德慶之造舟也。虎落豹關。非踈於江夏之設險也。伏波橫海。非靳于推轂之遣也。飛芻輓糧。非詘於職金之賦也。師旅卒徒。投石拔距。旌旗鎧杖。耀日捎雲。然而狼煙微燻。內外股栗。羽書倏至。大小膽落。籌策莫展。智勇俱困。焉。如果和蘭之寇。不解。末盧之檝。繼入。將無寢兵于脩睦。開市以

輸平乎。嗚乎。將領所以干城。師帥所以勞來。法令所以糾逖。王慝士大夫所以綱紀人倫。世故陵遲。綱維褫頓。得失之數。如有可言。蓋係自貢。營周年奉琛。漢日而獻珠。詣闕歷古不愆。通好來庭。繫祀未改。或一書無禮。勅付鴻臚。或屢貢有辭。表求都督。更市朝者十八。閱年載者三千。不挾重裝。非云易賈。獨我明世累著。逆圖迨朱。縞因而征。商王直緣而要。布自此外。寧無日內。曩是憂七閩。百粵之丘墟。二浙三吳之郡縣。山東遼陽之部界。玄菟樂浪之國都。莫不恨結幽明。痛纏生死。悔禍之後。顛顛始蘇。旋踵之間。牴觸復發。而我具禍。以燼必患。益深號為禦夷。竟同翫寇。海邦萬里。經畧殊方。叢爾閩區。桑土莫徹。夫閩所以患夷與夷。所以輕閩者。一曰地。二曰卒。三曰將。蓋閩畫州有九。受賊過半。北路州邑。編小墉。壑浚高山。澤阻隘。民居散遠。仰攻則久。頓歲月。既虞形束。鹵掠則方。揆山谷。又苦執禁。晉安八州都會。四國朝宗。文物繁華。荒夷所豔。子女玉帛。儼國必貪。賊興猾夏之謀。不無走險之志。然重臣殫壓于閩內。大將捍禦于境外。石畫之士如雲。劍騎之卒從風。即有匪茹。可以不害。是知賊固以溫麻為鷄肋。晉安為蝸角矣。南路節概

猛於秦風。謠俗同於韓卒。其君子慷慨而尚氣。其小人
隳戾而輕死。至於家爛鶴膝。戶狎鷓首。彼夷入寇。斯
實開之。故其楫師運舵。火長視針。依山測礮之規。占
風望星之法。非資漳產靡散。水行且料倭精兵。率茲
亡命。盜亦有道。既畏強梁。入而不仁。猶懷桑梓。感故
國之旗鼓。惡大敵之風塵。不有勾吳奔臣。故由魯險
北方。彊寇終畏趙邊乎。中路風俗以執耒為健。入
物以奮筆為勇。罄縣室多瓶。儲家少馬。駭疾驟不堪
出。羸之驚。鴈孽徐飛。寧俟餓鷓以墮。每聞破城之痛。
輒有踏地之惜。加以原隰平敞。地勢坦迤。險阻無河

山之關。扞衛闕筍之固。賊徒未思安壘。蚤已視為
戰場矣。斯非緩急之宜。戰守之緊。與若乃遵海凌波。
據險守要。抗以五寨。綴以七遊。何嘗不戍艦校。聯武
營櫛比。而頑鈍鄙夫。隳詒彊猾。爭推家衆。竊籍伍符。
分布私人。寄食軍幕。間又虛伍兩。以啗主將。聽顧募
以飽。暱交。厮徒負養。咸在其中。飢羸僵仆。亦居其數。
振廩之日。丞徒盈前。授子之時。戎行減半。上按核之。
益密。下隱匿之。愈工籍之。虛聲劣及一萬。數其見衆。
不滿五千。且春秋耀兵。不覩司馬之法。終歲蒐乘。僅
同兒戲之為。部丞簡稽。使者閱視。唯憑故事。相應虛

文見其絳憤蒙頭白刃在手以為穰苴之約束長樂
之部伍矣况復公聚朽蠹將徇私家內寵曳羅外屨
築玉強壯荷戟不識布襦羸老持更誰供復帽波寒
墮指霜厚裂膚糗糧不供饗饋屢絕有司吝於出納
則給賦無時猾吏巧于侵牟則宿飽何日望澤艱於
脅社希恩困于媚竈得逢布惠方喜更生而又盡于
公費之加征攘于私稱之倍貸矣此忠義銷于惡上
精銳匿于枵腹也至若出提枹鼓入把戎韜各典封
疆咸擁部曲狐而媚者謁上也虎而翼者腋下也猴
而冠者行屯也蝟而縮者見寇也此固公患微獨是

邦但魏相為秦使亡曲沃巴守連寇致喪漢中豈謂
王臣反為賊間參將熙者與賊外盟約為內應倒戈
扣矢竟賣嚴城眴目軒眉竊收重寶身幸逃于黃鉞
名猶著于丹書野老追叙而傷心後生驟聞以蹙頞
邇來承弊不變積威以逞崔苻滿澤潢池萃淵軍主
力而拘諸濤大帥禮而免諸蠹遵養時賊挺災生人
至疾償之勢既彰賣國之奸已著雖挂白簡尚道金
科嗚乎人和蔑資天險胡寄軍無壯士將有外心賊
之侮予抑自取矣顧賊雖輕中國猶畏天威觀其跋
涉遙波窺覩上國戰則挺鉞毒逐夫豈不懷市則隨

遠遊篇 八卷
價訾呵亦非所任。禮盜之故。伊誰之辜。唐中丞順之
云。賊之根株。惟在閩越。若欲經營海上。當首區畫閩
中。夫古無交市。而海氛無聞。明有通商。而倭禍屢中。
然則利誠亂始。財固禍胎矣。白龍溪中具五民。月港
內居萬貨。而秦趙大賈。歛奇民。轉轂廢居。擅管山
海。於是縣官言周九府。有司稱齊七筴。重租稅以媚
內。輕譏察以悅商。禮義中華。守期會於抱貿。劍璽命
吏。損威重于羸鷲。小人何知。走死如鶩。君子是識。啓
寵教。祿諒以苞苴。所行可潤紫葉。琛賂攸竊。足擬王
宮。故雖硝石鍊霜。彌歲以齋。猛敵精鋼。良鐵蓋海。而

奉獷夷。既曹楚子鑄兵之盟。又無秦昭利劍之歎。後
先積習。上下相蒙。令下有稽市之誅。教行有出疆之
導。刺姦之呵詰。未竟法吏之文墨。已臨遂使倚颿長
嘯。酌酒相賀。渺無還忌。規可橫行。號召外夷。要求關
市。內賣重於國外。德色於倭。若聖謨莫奸。王章固竊
則邊城語難。華商構兵。虎狼當術。狐狸不治。彼方出
沒。卑彌之穴。去來壹與之鄉。霜刃風檣。中州厭寇。黃
旗紫蓋。遐島稱王。斯許棟餘謀。王直故智也。夫商舟
渺泛。歲出賈者百餘甲。令征輸年入供者二萬。諸商
或遭島寇。或沒波臣。或踰冬而羈旅。不歸。或沉船而

負擔以返。縣官所獲滿萬而已。奸人窺良德之衰。狡夷貪漢物之盛。輒招寇至。隨以軍興。於是八郡繭絲不給於糧餉。繁給權算。尚嘆於樵蘇。競商表之錙錘。喪官家之巨億。猶謂廟廊長策。惟惺訐謨哉。前者欲令夷去彭島。往賈瓜哇矣。朝議非之。其說遂寢。今和夷虎踞中土。徂伺大邦。將解仇嫌以求內交乎。抑挾倭奴以俟外易乎。國設市官。豈貴遠物。亦以貢舶實賄。我或與知。則有市舶。灌輸俾無滯積。閩之市舶。主納流求。未見他夷得與壇坫。定海市令。獨司倭賈。倭人十年一貢。市亦十歲一開。舟無令度。二艘人不得

過二百。此亦覆載包荒之度。山藪藏納之弘矣。今銅甌息炊。金葉無驗。倭之求市。方應且憎。况候月蔑聞。占雲未曉者乎。故市在閩浙。則夷廢來王之義。我處延寇之愚。市在瓜哇。則夷執徵命之權。我效供貢之實。此子犯所扼腕於無禮。賈生所流涕於倒懸也。且倭交易。剽殺漢譯。所傳誘伏詐。讒職方已審。若謂媚虜為排患。詘體為達權。輕致天下之民。遠逐日中之利。則有宛城馬匿。壯士不還。沓渚鋒流。吳軍盡沒。辱國之耻。莫雪。喪師之感。自貽。前事不忘。殷監非遠。使彼飄飄遠跡。又必包藏禍心。雖請垂橐。豈忘裹甲。白

衣泛泛于擢槽精卒眈眈于舳舻變生倉卒釁發不虞未見渝平翻為速禍且乘危生事軍行素不乏人緣間徼功戎士蓋所時有若王恢設謀于馬邑周浚襲奪于弋陽既令鳥驚高翔蚌持未下又冒貨之吏白恰之僧強賈丐奪非有盟詎欺詐侮易無自分明愈失蠻夷之心益生仇讎之怨耳而論者思權五利以和戎出一竒以解頓每援尚書鄭曉之議以為祖訓雖絕日本而迤海尚有市舶者所以通華夷之情遷有無之貨收徵稅之利減戍守之費又以禁海賈抑姦商也嗚乎人知其一不知其它俱知暴虎莫知

馮河徒託遠謀安知短策何者夷情反側華性猜嫌吾信無行貊之方彼腹非真心之處當其來享詎以興戎然覩備嚴則稱貢察防疎則肆掠况與賈市共競分銖誰敢謂曠野戾蟲飽德於媚已泮林鷲羽懷音於食桑使其鱗萃賈區鳥集闐闐淹留歲月熟覩情形豈復懾蒼兕之威守黃龍之約哉始而互市漸求和親盤據既深滋蔓莫薊仲尼必歎之於左衽辛有早見之於伊川子雲驚心衣裳將易為鱗介景純投策桑梓其翦為龍荒矣其失一也諸國或饒貨賄可利器用倭所重齋惟有佳双其他文臺粉匣綵屏

木鋤有之何益于觀弃之無損于用彼無足欲我何
所遷其失二也晉氏失馭偷取權時故陶侃立布武
昌以籠蠻髦之利祖逖私布白羯以獲豐贍之資未
寤前愾便可為訓志有之曰有國家者患豈在貧憂
惟不安頃年權舟算輶未聞稍致紅朽曠蕩蠲恤不
至便減服御固知盈必毀者天之道息必消者易之
教也夫以四海之廣衆兆之富豈須撫夷然後取足
哉夷縣官于馭僧示空竭于荒戎其失三也夫澠池
好會趙之盛兵益設凶奴保塞漢之邊備不徹今將
弛警衛以示無猜罷屯戍以明合好倘其伺隙挺刃

乘間舉旗華人惟有伸脰就羈納鑰請死矣即得
枕一夕寢火數年營壘傾頽戰艦漂沒將卒解體器
杖朽頓碎有內訌之憂中潰之變噎而掘井速將何
及又民人愁苦囚徒逃亡腹飢膚寒迫之前官邪政
亂驅之後及賢士失職匹夫逞志者莫不聞彼善國
思適樂郊特以候望尚嚴譏誰頗密親屬懼誅脫走
不易若省軍吏之繇戍縱民夷之交關彼來既親此
往必衆勇者為死智者為謀困者假翼以搏飛怨者
借力以釋憾四海搶攘中國騷然其失四也倭人本
非善賈動仰奸人前輓後推左提右挈若鉅虛之足

廢水母之目蝦矣。欲其奉朝廷之德音，謝降商之約，誓將速飛而令翦其翼，方赴鬪而使斷其臂。倭既巧黠，商又跳踉責彼甘心。殆難革面，其失五也。且夫戰守不效，一隅之憂，通市無藝，百世之患。今沒利而淫昏者，生亂以墨見害，而優柔者蓄亂乎懦。彈曲矯枉，蕩澱滌涇，猶可底綏。飄搖枝梧，艱確。蓋仲尹北出，急繕元戎，方虎南征，亦須猛旅。徒言賤戰，未為善師。然則外厲戎鋒，如承漏甕，內脩軍實，宜費補牢。光贊全圖，私陳末計，揆於實事，差可施用者。一曰增兵益戍，以固疆圉。蓋海門要害，在所單弱。一值募嚴，輒移之。

援夫徵兵隣寨，胡越何患乎異心。調遣旁遊，輔車豈妨於相倚。但我師未移，彼中先覺。溟海壯濶，波路蒼茫。回颿縱橫，擇地唐突。如其批擣，空虛則故戍先危。牽綴項領，則列城并困。敗則沮其銳氣，勝亦疲於奔命。且奔驛調發，戰必失期。換土客戍，隸必不力。犒師饗旅，耗國必繁。曠日持久，勦民必甚。豈如因斯繁費，廣募舟師，厚集儲胥，慎屯扼塞，進戰退守，僇力壹心。則觀望意消，孤危患弭。而又別裒義從，專為奇兵。寇發則上命急宣，出援艱難之地。賊平則中權遠斥，還屯形勝之區。此又下於九天，而藏於九地者也。二曰

移輕就重以判利害。今舊部客兵列營城外。驚變與
餽糧之用。免絲非織絡之資。然且桀鰲歲增。魚鱗日
甚。棚甲屢弃。庚癸時呼。留之則有穀。駕養虎之恨。除
之則有決。疢潰癰之虞。而戾夫樂于取分。貴人利于
竄籍。往往營護。曲至罷遣。難期此輩。若使即戎。詎能
致死。或當接戰。始必速奔。謂宜徒置戈船。攜其黨援。
令習水戰。戢其憤驕。且繕甲足以自隨。贏糧非需別
賦。水犀益壯于疆場。戎馬不生于郊坰。於外為濟師。
於此為紓禍。而教之者云。是宜野鬪。難入水軍。夫玄
武肄師。豈非產於譙。鄴。昆明教戰。胡曾選自閩。馬五

松之雄。千夫之長。或起家刑馬之裔。或生處傳虎之
邦。纔稟師期。便挈關艦。登舟壯烈。擊楫激揚。而獨謂
短後之流。重溟未習。豈綺襦統袴。則便於衝濤。黔細
蒼頭。反宜于安土哉。三曰。明罰勅法。以威將吏。凡夷
來侵。未肯塞國。始以一二艘為嘗。隨以數十艦迭至。
前舟撲滅。後楫必創。為虺弗摧。漸有長蛇之勢。處卵
不茂。方養逆臬之毛。而符握玉麟。樂喧朱鷺。不問戎
索。自命風流。集文雅於賓筵。探幽竒於巖阜。口學嘯
詠。手倦奕棋。豈擐甲對戲。費禕竟無厭色。釋鉞賭墅。
謝安愈表寬容。且調將三路。徵師四集。不聞一矢以

加遺唯見二子之逍遙至有帳外戈鳴始踰垣而喪
屨遙洲礮激已仆地而遺冠凡彼奔軍皆從寬政夫
幕府徵書軍正移檄一則曰軍法從事再則曰軍機
論斬今逗撓縱敵淫樂遺禽失律之愆為罪已重乃
未嘗臨陣而誅一將按法而儆半人恩紀則隆沮勸
未盡謂宜申軍令嚴戎律惟怯不前即斬無赦彼思
進死敵退死法死敵子孫有封死法妻孥為儆奈何
不投袂電發揚麾龍戰哉四曰增築城塢以內散民
今禦倭者曰緩則守險是得上策急則嬰城是得中
策且以編叢而完堽籬懸布而保竹使餌垂虎口民
宜自計鞭及馬腹予非所能夫梁溝公官貽潰民之
戚薛城私邑忘失水之災者其是之謂也析骸愆甚
揚水困深枝而無民誰與效死至于分騎卒衛聚落
令迎敵卷戰覆寇衢門鼓行則異鴈行當轍則輕螳
臂策必覩塵逆潰聞風震驚如投肉餒虎焮羽洪爐
焦沒為期何功之有夫南北二路侵軼非虞計惟晉
安下邑興化一郡城郭如故生齒彌繁疆事艱危人
情窮蹙倘賊舍舟略地勢難完守入保矣若其千家
之聚萬戶之鄉亟當葺板榦具畚揭相地形物土宜
因伊瀝起高墉惡不寘薪美非蒸土形圖却月勢擬

長雲卒值侵犯急入收保堅壁清野窘其寇鈔之計深溝峻堞挫其遠鬪之鋒且城或一舍而遙或百里而近多其耳目擊析相聞自為脣齒援戈易及茲理不謬於策為長或謂公私匱乏民力凋盡道謀莫潰底績維艱夫國家每備九邊歲費四百餘萬空填盧山之壑靡登姑衍之壇也編戶之氓戎旅同疾邊鄙之難南北均憂皇帝豈以虜戰千里之內夷戰萬里之外遂爾謹備熏粥薄懲倭奴蓋昔一城被圍秦王廢其監寐貳師敗績漢主為之痛心况猶病道映於堯先如傷意符於王表哉宜準日耗之奉校邊地之

輸但於三歲之中率捐二十之一惠此南國以城東方可得名都數十所活生靈千億矣五曰訓練人民以作勇氣常聞敗軍之後民氣破傷守文之邦人心皆窳沒世之弊二郡實同昔伯禽先教魯道微弱武靈厲俗代風慄悍民之勇怯視乎漸摩且物極須反資文武以換情道窮則通隨隆洿以致用故宜戢斯儒雅被以軍容衣逢掖者勿耻牽弓服襜褕者毋妨技擊若周禮致民以旗而平列陳月令教民於獵以習五戎行之暮年俗當一變賊如送死可以建威夫世方雲擾則子桓以稚齒習騎時將鼎沸則子敬以

壯節學劍懷衽而出者貴奮則能犯又牽彼而覆者習勇可以負楯安在積弱之人不奮立懼之烈也六曰斷絕鐵冶以鑠奸本夫農有一鋤一耒女有一鍼一刀遠可終身近亦數歲民間利用其與幾何閩中僻遠諸邑處處起冶西北千嶺往往鼓橐山之礦樸畜賈必籠藪之薪蒸富人是盡法網愈濶科禁益踈愚民不知化日之舒長天朝之寬盪徒以重賄所購大利可牟闌出媾夷潛行藉寇使倭人長劍銛于巨關名刀銳于阮師曩仰鐵于弁辰者今責錄于閩越然則閩嶺者彼國之外府倭奴之陰山也夫鑿山鑄

石劉向以為地痛越境出疆商君謂之金死土失稼穡之性金違從革之義大妖之應同占於兵誠宜封出鐵之山寨有赭之岫操柄于監冶歸筭于司金歲月量開器用從給他若黃帝之教折取者罪死管仲之禁犯令者斷足庶使山東遷虜無規於鼓鑄海上豪猾靡覲于奸蘭蓋鄧嶽開鑄諸夷知造戎兵陶璜斷市南岸旋壞田器謀之臧否人有師資矣七曰譏禁淫巧以杜盜竽夫楊越之南豈獨密邇日域淮徐以北寧不境歷海王而南則寇數禍深北則犯希禍小非賊性愛齊魯心憎吳閩也觀南國佳麗而精淫

見中原素樸而心澹固知龜有毛而躬賊麝以香而身殘今女紅繁文章丁男逐浮華下賤僭踰侯服后飾賈人奢恣乘車衣絲璀璨深都華競塞陌風俗既敝商販轉多奸人乘望風聲因緣遠市托俗奢之供億實海虜之輸將國無尊卑等級之差外有扇動貪恠之患奈何不痛繩末俗歸之本務且裔夷所極喜奸奸商所求迎合者多非閩有半藉外輸故擅裘則出北土練絲則購東越蜜器則鬻南楚水銀則產西秦閩出白布朱紵直針生鐵而已誠宜預行厲禁廣設嚴科切責權司并勅管障稜花之碗碎之楚郊幕

櫛之絲焚之越境醴屬無得方舟而下靈求不得網載而入閩鄉所賴歲額有常又追子產之緒戎衣冠幼宰之為民軌制庶人而袷服者僂行賈而迫上者刑家無以錦繡纂組相穉市不以雕文刻鏤為鬻如此則百姓不作奇技四方不湊異物奇技懲則商不出異物絕則倭不至矣夫范蠡秦吳賈誼餌虜玩好女樂以入其意文錦美裁以壞其心今乃闕彼聰顛奪其嗜欲者何也絕乳哺則強兒餓殺矣沐樹枝則惰游迸逸矣蓋盜言孔聖不妄意於無藏竊疾雖深必釋思於敵緼此之謂也嗟乎病者外困瘡瘍內愁

結轆百痾連綿于骨髓二豎逃匿于膏肓及令彭扁處方桐雷發藥惟救風寒之匿薄算饑飽之損益彌年積疾何時而瘳神農云上藥應天輕身益氣者本之下藥應地除邪破聚者本之計今積聚之邪氣必投毒烈之猛劑豈能安忍於沉痾勿傾損於中和哉夫大刑以定叛人重典以膺亂國古人之法弗可改已每歎高皇帝神武遐威聖智遠覽即闢國啓宇咸若躬臨裂邑分疆輒同履至興郡靈阜隱秀孤峰蒼亭地處季春泉流清緩是以邦人文弱良士矧矧一離茲封纔踐南境而傾岳蟠庚峭聳兩州連石碣礧

延袤千里其地沙鹵其水躁復昔人謂山川形勢當出伯符天地偏氣不絕彼種推此以校良曰不誣夫其風氣雕悍習尚輕生雖孔父折說於戴鷄循吏移風于佩犢此邦夙習難可驟諫矣今甲保見知之比什伍連坐之科法非不嚴令出已具然練近朱而莫赤蘭漸滌而失香淵藪之區十家九盜囊橐之主一國三公不酌狂泉立遭鍼艾稍洩陰事坐成虀粉是以更相隱匿竟無摘發蓋廣漢守潁川而散落朋黨田豫護烏丸而攬離族類用使姦萌衰息平民安業若行置質之法峻斬首之刑彼等俠讓隱蕃烈非石

乞怨誅互起告訐驟興則主名不漏于殷網怙亂莫
逃于秦鏡逆鱗決網自作孽者先鋤白睛離槽思反
噬者必斮庶幾邪謀解散凶黨破壞徐銓方武之圖
無所肆澤珍山老之毒不得施矣

治平天下第一論道試

自阿鄴之美既遐而蒲單之風猶在簡易招聲軒綏
以之遺愛循良立績輻蓋抑有前規至仁去仁上德
不德歷觀前政備乎舊史而奏課第一名績亦多者
焉昔次公識事聰明歲增戶口翁卿為治勤力民勸
耕桑選用經術則仲都英蜚三府平理寃結則劉祐

政表三河杜畿卧鎮河東寬猛克濟顏斐風行京兆
豐富能加凡皆冠冕一時光華千里者也夫漢甄吏
道滿棊而分朱紫魏課官方九品以別薰蕕至于璽
書旌勞惟及勤能爵秩就增輒加尤異授方委任賜
札侈于十行勤恤仗威封刃行于列郡故得德讓廩
廩吏治蒸蒸矣文帝初元吳公稱最治平之譽揚摧
可徵謹身以為帥先廉平解其慘礫蓋負耒耜者初出
湯火而割符者始宅醴粹也方高祖以䟽濶休民蕭
曹以清靜率吏孝惠寬仁岳拱孝文德化為務朝廷
少事不下玉條金科之繁狴犴茂草幾致草鞮艾纓

之象而吳公作牧三川宣風大郡厭秦吏之揚沸反
李斯之鑠金道德之所澄清儒術之所潤飾固宜政
平訟理海內莫並矣古人云善治水者導使平善化
民者鎮使靜水平故無決防民靜故重犯辟然則勞
來移風承宣變俗非資明察實俟廉平也夫政術所
設理效固殊故蒺藜不生草萊自闢瓜連六子麥漸
兩岐浮虎還蛇之詭陌雉河馬之奇海石望而蹇雲
江神要而偃水咸仁孚殊類化洽函生是以人得其
和農安厥業華妝袪服桃花淥水之旁緩舞安歌草
樹春陽之下或愛蔭而勿翦或攀乘而請留生立碑

書沒從尸祝雖非教化之極蓋亦治平之效也後代
不綱吏事耗廢當官以放濁為通而笑廉恪入仕以
刻急為貴而鄙清和寵賂滋彰猜禍進用故惠文毛
鷲思功復起巽懦坐廢望澤無時且善地資貧而遷
美郡賭技而授沈疇遂以清高抵罪周洽俄因廉約
追貶若執隆古之道御叔世之人守今吏之良處曩
代之俗則飲醇調瑟殆有難施烹鮮鳴絃蓋所不暇
然則朝有舒肅故吏有殘平君判卞遲故臣更夷陂
假使吳公易民而化換世而理當疑脂束涇之運遵
破觥斲雕之制救過不給何功之有嗟夫神明權譎

見紀必盛。廉平常蹟，致譽難高。經怪鞭絲破，鷄矜米
鹽之慧。盜鞞捶馬，鉤銖兩之姦。尋陂采藕，谿刻封已。
置水投書，貞伎矯俗。皆守宰之末行，而史冊為美談。
若夫吳公雅化，與文翁伯仲耳。文翁叙于列傳，循吏
以為首稱，而吳公治平，僅著方略。茂聞不附，賈生名
幾湮滅。得知威鳳之羽，幸托良驥之旄矣。是知誠恕
寬和，輜軒寡采，發揚蹈厲，渠閣必甄。世論紛呶，曷足
怪焉。雖然，賈生通達國體，伊管為儔。遭遇明時，絳灌
共疾，而廷尉琢玉，孤璞之中，別金衆口之側。知人則
哲，於斯而信。蓋文翁識相，如於麟游。三襄察何武於
舞象風流所始，裁量無謬。讀史者欲以長沙之升首，
於河南之治矣。

聞鷄起舞論 館試

五胡雲擾，四海鼎沸。義士有下泉之愠，忠臣懷匪風
之怛。有斧無柯，挫猶思割。長轡短馭，蹶且欲馳。若越
石立，懂于并州。士雅結心于河洛，枕戈之待。托意金
鞭，擊楫之誓。指心白水，豈非疾風勁草，寒歲危松乎。
夫桓溫雄才，遠遺枋頭之衄。謝玄明略，僅邀淝水之
勝。二子皆承秦之敝，迄無成功。彼祖劉者，忠誠非桓
謝可儔，而將畧少封疆之用。一木支厦，寸膠澄河，亦

何救于傾頽徒稍延于歲月且劉淵崛起石勒初興
胡運未衰晉難方始當此之時雖仲達復生元凱再
出大事已去不復可回祖逖劉琨徒以忠義動羯胡
而抑其師感匹磾而借其力雖未竟中興之績而無
愧存本之思躍馬顧瞻聞鷄蹴覺覽其事者不能不
為之悲其志

連珠

豔體引連珠

蓋聞富媪頓絃以協顛穹之運結璘流影爰續濛汜
之光是以彤魚頌官暘黃靈之顯號白狐應服造夏

后之休祥

蓋聞山有飛鼯函車之獸匿影淵有潛螭靈蚌之胎
不剖是以太史破環秦王戢其猛氣漏月檝琴荆卿
慙其匕首

蓋聞青女司寒九鐘為之流響金樞理轡四海為之
生潮何則志有通而必合神罔傳而不交是以河間
室中紆睿情于素靄邯鄲陵上發昔夢於榮荅
蓋聞野田兔絲愛松枝而不見潢汙行潦懷天漢而
每長是以閭館玉釵空挂相如之冠東家翠羽虛窺
宋玉之牆

遠遊篇 八卷 三
蓋聞乘風振槁。落葉飄而不歸。因雲灑潤。零雨去而不反。故愛難強於所憎。恩靡聯于既斷。是以閉長門之寂寞。空望蘭閨。托長信之昧幽。永離柘館。

蓋聞清廟華榱。非需建木。郊天雷鼓。靡俟靈鼉。是以晉國匡牀。貯雷縻之子。吳宮簾幌。蔽教舞之娥。

蓋聞遠道寒原。每有淒清之狀。幽崖飛滂。乃多嗚咽之聲。是以漆室妙姬。非思葵而倚嘯。宗周嫫婦。寧恤緯而興情。

蓋聞蒙以鱗甲。澤雉隕於黃泉。假以羽毛。桃蟲升於青漢。是以平陽推轂。子夫發跡於清謳。延壽披圖。昭

君沉軀于哀彈。

蓋聞厲兵置寢。雖安必危。茹董救饑。雖克必苦。是以愁眉為惑。竟作裂身之車。長舌在旁。誰知破國之斧。蓋聞石泐于攻。不易廉貞之性。金流於鑠。詎作韋脂之容。是以甘墜青陵。魄上舍人之梓。去湛白水。魂栖小吏之松。

蓋聞鸛雀高飛。玄雲解散。麒麟下闕。白日彫顏。故精至則冥漠。可喻氣銳則金石為開。是以齊婦哭而東城弛。楚妃歎而西宮灾。

蓋聞卷舌直而下。被讒附耳。搖而旁有蠹。故機中則

咫尺堪危心移則股肱難固是以魏姬擒袂形殘楚
郢之刀望卿傳粉身糜廣川之鑊

蓋聞高張輟指音猶繞於繁絃芳草逆風芬尚流於
脩畛何則激乎氣者難渝結乎聲者或引是以英皇
委謝瀟湘之浦時游琬琰銷沈茗華之號無泯

銘

寄園銘并序

原夫匏瓜晃朗縣曜漢津槐江迢遞肇惟平圃鳴鶴
濯龍之內蒲萄首菴之間飛蓋相追高冠往款樹檀
未掃素葵已拔莫不栖遲以蕩志容與而散懷者焉

寄園者大中丞朱公之所游也方其屏居山下休影
林中神生既定是漢陰之息機會心何遠有濠濮之
高想葯房累棟制出伯夷藻井舒蓮用厭無忌烟霞
表裏絕異人間雲氣往來非關圖畫近接則培塿紆
翠遠望則巖巒競青俯瞰滇池同僊槎之倚漢傍瞻
城郭似疋練之縈花碧鷄上翥以曜景金馬西顧而
騁光畫鷁千艘凌波擊汰錦車百乘中道載脂高刹
之鐸晨鳴叢祠之鐘夜動皆足以供茲送目助人披
襟若夫水石不窮川陸相接芳草幕歷不覺春秋奇
樹葱青無憎霜雪大夏之竹攢柯嶺間蜀漢之橘離

披峻坂箕噫氣于空穴。月投輝於踈條。苔無情而緣
厓。花有時而戲瀑。在渚在淵。隨儵魚之游泳。食蒿食
苓。任麇麇之騰倚。鳥關關而百韻。猿噉噉而千聲。木
客山都。宵中吟嘯。風胎雨轂。晨夕謹呼。入耳經眸。殊
足行樂。于時招沈冥之徒。集隱淪之侶。客悉王褒。賓
皆揚雄。五絃徐動。六博齊行。高高下下。操觚舐筆。危
峰竄笋。九日去而登高。邃澗羽觴。暮春還而脩禊。褰
裳者息心於世網。扣關者忘慮於塵鞅矣。嗟乎。君子
游道樂以忘憂。小人懷土焉知其極。桑生海淺。曾聞
僊牒之談。天下地高。又見河圖之說。相彼大塊。猶是
寄形。况復合體托生。迅琢石之流火。假營借魄。微弱
草之輕塵。聚則寄於此域。散則歸乎彼界。還反栖遊。
孰負羈於馬嶺。從其賢勇。亦接袂于牛山。魂魄猶思
固非。知化死生。若此。豈曰能賢。然則梓澤貴游。感性
命之不永。蘭亭高宴。悼俯仰之陳迹。於今效之不亦
達乎。是園也。元氣混沌。已開別邸。靈祇上下。即是館
人。顧惜光景。少憇維舟之岸。淹留歲月。整同繫馬之
臺。覽傳舍之閱人。寤身世之如客。忘歸遺老云。胡不
夷迨乎。旦入金閨。夕登紫路。從游御宿。陪乘上林。過
織婦之石。或類江妃。望白鹿之原。猶疑神馬。想新豐

之衢路等舊國之風壤遙思梁益逆旅居然還望林
園蘧廬何異微生託乎執簡之役敢獻紀跡之銘銘
曰
星當東井山矗高橋前臨滉漾却倚嶢峣帶垆佩塞
袖阜連椒風雨所會陰陽所調刊茅作宇葺荷成屋
綺䟽延曜華閣納煜踈籬隔塢飛棧跨谷泠泠激溜
峩峩古木秋風邸萼春氣流榮鬱蒸不度寒色微生
朱明反景皓魄長清登臺四望竦身五城詰曲烟蹊
逶迤雲術獸有伏除鳥無驚畢藤纂蒲桃果饒楫粟
卉劇扶留樹多松實向呂所灌枚馬焉遊剡檜為檝
俞杏為舟采蘭搴芷撫彈沉鈎琴觴未輟賦詠相酬
跌宕丘墳放曠人世山何不趨舟何以繫得坻而止
乘流則逝來寄去歸光流響厲

誄

吳興嵇士茂誄 并序

悲夫吉凶在時聖哲弗能預慮死生有命鬼神窘於
先要故日過之波必損水湍之岝無峭風長之木反
萎冰欵之華更灼咸出固然殆非自取若使洪陶埏
土簋簾改於混成大冶鑄金鑊錐變於踴躍則昌祺
之慶方集吉人凶短之災寧罹雋望謝鯤任達不俟

哀其棟梁真長雅裁應無慟于塵尾故曰命不可變
時不可止非通天人之際徒哀時命之窮矣君諱之
森字士茂性本振振情恒婉婉沉潛柔德驗其生徒
蕭散弘襟諒無死地經德不回乃幽贊于天道取精
亦寡非招忌於造物而當盛明之世殘翹爍之姿值
滋液之會碎礫砢之景名困諸生之間年僅三十有
二嗚呼上帝甚蹈昊天曰明胡度其心胡嗇其命秀
而不實共傷顏氏之苗有志無時竟立邠卿之石陸
績瑚璉之器同此短年羊乘冲天之翼更均繁禍世
載之傳永沒春秋之祀忽諸嗟哉死者有知得不含

哀脩夜鬼猶求食必當蓄憾彼蒼矣嬰之於君誼成
合志恩比同生遠而彌親勿言千里久而更敬無厭
平生離別幾何生死異路寢門之慟誰為緦麻之制
已窮一越冬春載登丘墓子期西邁冰淒河內之廬
安仁東經雪掩嵩丘之道結悲萬緒瀝泣數行於是
述明德于素旗累高踪于赤管其詞曰
肅肅爾祖會稽攸分龍章爍日鸞翮鍛雲蕩陰衛主
弋陽酬勲爰及皇代益播清芬西陵山下餘不水瀆
枝枝承弁葉葉緯文捷為令尹下邳使君德立庇人
庸著成軍光啓昌暉駿發芳馨惟君誕毓為世之琛

因源浩浩藉基嶇歛聞詩庭際觀梓山陰道必法言
念戢良箴風標令上韻宇淵沉體貳殆庶道亞惟深
品題自口高下在心始自羈紲志薄紈綺書府難窺
學海無涖勤味道腴覃思名理崖忘墜足園憚舉趾
飛藻海隅敷艷江汜華如望春波如瀉水越稱竹箭
荆詫杞梓馳譽九州蜚英千里星羅赤珮月鏡紫玉
英符迸映光彩流燭暗道忌投夜廡怖錄既罷都門
歸栖山曲陳篋發憤嘗膽茹毒柯壇標劍茅津舍蓐
時不我與命乎有屬空懷名世徒悲負俗使君從宦
獄訟歸讞濡膠刷憤吹塵濯羸君從吳越來侍間燕

子堅入舍長平避傳亮節同符清徽共踐仰諫寫經
微理用謹言告旋歸既承飲餞眩辭乘車跪諮賜綰
維君孝德邈矣難尚孜孜膝下蒸蒸色養躬遭厄瘵
常虞憂望勉改驩容長銷愁狀接萼雲摛連枝日上
因心則友致美惟讓仲聞金聲伯看玉亮雙譽允集
萬始揮愴出後伯父惠于宗公家食舊德居乃屢空
十步之囿一畝之宮門名歸厚室號慎終度形樹桑
量腹裁菘養疴水側行藥丘中時御板輿周覽稊種
壽觴載舉慈顏有融嘉偶曰配新婚莫樂婉孌晨樓
綢繆夕閣蕖榮菸邑薜英零落鏡悼分鸞琴悲別鶴

奉倩神傷安仁淚涸不任彼哀乃離斯瘼其泉燭張
營陵鼓作彌年積疢安逢大藥淹留異邦龜勉空房
庭蒙春草樓咽夕陽秋鶴高飛寒鳥卑翔無心去國
有夢思鄉泉山路阻越水塗長方舟靡靡駟牡旁旁
脩門初入家慶方將璧奄滅彩刀遽掩銘嗚乎哀哉
塵鋪幽席風入總帷肴乾琬俎酒湛芳卮靈來不御
魂去何之盛年蕪沒昌志永齋薰身遺藹馥世餘涎
庭無孤胤閨有六發降祥空語與善虛詞百身悽惋
千載悲思嗚乎哀哉昔我諸人投分建安倦常忘寢
饑不及餐竹林游宴予與交歡蔭爾神峰泳爾情瀾

送想搦札寄意濡翰難徃理屈荅來義刊奕旨間設
琴心在彈其投如漆厥芳猶蘭客散南遷君還北渡
別僅彌旬倏就大暮飄若烟消瞥若墜露野曠張帷
塗艱歸賻哀哉中散文章屬予章句言猶在耳心寧
忘故歌向清泉劒懸高樹爰以今日酬君平素嗚乎
遺跡未滅殘光頓杳黃泉聞寂玄廬周繚新楊酸蛩
初松切鳥月冷丘阿霜寒林杪談玄欲曙脩文未曉
氣運有窮神理逾藐哀楚情多叙述詞少輟我九迴
書君雙表

承事郎孟臯熊先生誄

夫乘追鋒之遽者。豈如鳴和之度。覩芸黃之葉者。乃見青松之心。然而道以人弘。節繇已厲。神僊可望。非關半通之綸。海岸既逃。諒麾千金之壽。固以志獨暢於一區。神無累於萬物矣。綏成熊先生。栖翼珠條。毓鱗玉津。家積泉刀。少綜伎藝。編錢作埒。北印顧而已。虧鑠金為丸。西京逐而不盡。策肥衣絲。則有游閒之名。吹竽擊筑。則有流蕩之樂。而塵滓外澀。光靈內鮮。常以為宅生者。性性闕則生勞。扶世者。常常墜則世喪。父有羸恙。恒親芝朮。近惟烏鳥反養之情。遠懇枯魚銜索之感。故自孩提。以歷暮齒。眷戀庭闈。不能離

側。每念懿親。閔焉孔懷。方夫蕩析。輒推以膏腴。至乎彫謝。獨營其窀穸。寔急病讓夷。好予愛施。銳身而排葭。葦之難輟。已而收鄉閭之困。身無寧歲。門無休日。若夫傾心招士。剗類延賢。豪士輳於几榻。俊民選于軒屏。將使唐人慙道周之杜。辟疆愧名園之卉。豈非能宣其業。好行其德者乎。元卿跡絕城市。子真名動京師。有詔即其家。拜承事郎。緝綸黃綬。羽儀耀于漢官。服冕乘軒。馭貴從於周禮。怪乃悶然而後應。泛然而不繫。絳螭驤首。寧受董父之羈。翠鳳矯翰。不樂重明之貢。方將希無懷於絕代。恢玄解於叔末。陟龍從而

激鮮霞再飛瀑而賞清音大命不又溘然以沒藏舟
可負遽逢徹瑟之晨高臺既傾果若聞琴之日考曜
則丹素並沫繩響則祝敵同闕至德不可以遂刊仁
風不可以永鬱欲使微流後葉傳光者舊其在竹帛
乎誅曰

渤以地浹嵩以雲叅標峻則溥道廣則含嗟乎若士
鍾美東南胤楚芳胄介越華簪稟氣冲夷提身肅括
才猶貞固智調特達如彼豪曹拂景斯割亦若僕姑
辭弦斯适生世基廣蔭藉家温中糾表素飛盖輕軒
朝過程卓暮結滕樊挾彈長楸竦鞞平原跡混思深

處雜意遠伏讀易象忽寤益損景行小隱抗心肥遁
擯落榮華纏綿原本自顧菲薄有念洪慈一夕五起
視枕高卑終朝三至問心歡悲南陔長慕寒泉永思
悴荆欲榮弱草可蔓君游崇讓孟嘗引孫推彼百萬
取此荒頓隔代相望異時同論家有名士奉以嚴君
亡何長逝獨挽輶輻買山為壠負土成墳單身林野
鳥獸歸群性矜然諾行設規矩解駮齊塗辭金魯府
箕踞踐更髡鉗亡虜皆離巢幕俱脫游釜天危地虧
海湧陸焦乃輪家半復讓外繇褐衣掩裸饘粥餬枵
燔書非市已責非要冬日之陽歸者大順夏日之陰

休者忘進清流遐激高飈廣振濁世頽心貪人蕩吞
翹翹車乘子子干旌爵之簪褱進曰右更入而受詔
出而濯纓獨寐寤歌不耽世榮邈洄長往干雲直上
意邈鴻濛神澄沆碣巢高同情黻袞共量鬱為耆造
未除倜儻顧謂二子速營糟丘或從黃綺或挾羊求
秦箏趙瑟楚舞齊謳春禊蘭渚秋宴林壑招之不來
泊乎未兆黃鶴孤飛白雲自杳天孫非大彭祖為天
何羨幢旄何辭旒旒流波東逝浮景西沉夜臺不曙
玄路襲陰冥冥收藻寂寂淪音人生已矣天道何心
嗚乎哀哉宥延恩冠堂夷原野池泳玉鳧門繫石馬
草露綴秋松風泛夏明哲已遙響像誰寫昔聞卓軌
今上荒臺仰欽遺躅俯吊清埃豐草遂宿美楨可材
停輶悵望輟轡徘徊思夫古者非無爾黨八厨題拂
五君豪爽雖善人倫竟嬰世網膏則明銷柘則材枉
孰如若士蹈道完神逃名名隨求仁得仁翩然乘化
澹乎反真委形有盡名德無涇

運邊箱

